



## INTRODUCZIUN

DAD ANDRI CASANOVA

*La lecziun ord la brev a quels da Filippi ei in himni, pia ina poesia da laud. El resumescha cun paucs plaids la veta terestra da Jesus Cristus e numna sia muntada. L'emprema part descriva ch'el ei daventaus carstgaun, pia igl eveniment da Nadal: Dieus sesbassa e daventa carstgaun. Lu suonda ella secunda part la humiliaziun en la mort vid la crusch, pia Vendergis sogn. Ella tiarza part vegn lu igl alzament e la glorificaziun ch'ei la levada da Pastgas.*

*Nus vesein en quella via da Cristus che quei che para dad esser ina curdada, po era menar alla levada. Cun Cristus da nossa vart sto negin da nus senuspir dad ir sia via.*

## 1. LECZIUN

*Fil 2,6–11*

Schegie che Jesus Cristus  
fuva en la fuorma da Diu,  
ha el buca taxau ei sco in bein da rapina  
dad esser aduals a Diu.

El ha biaronz spogliau sesez, ha acceptau la fuorma da fumegl  
ed ei daventaus semegliants als carstgauns.

Taxaus en sia cumparsa exteriura sco in carstgaun,  
eis el sehumiliaus,  
ei daventaus obedeivels entochen la mort,  
gie tochen la mort vid la crusch.

Perquei ha Dieus alzau el sur tuts  
e dau ad el in num che survarga scadin num,  
sinaquei ch'el num da Jesus  
sestorschi mintga schanugl  
en tschiel, sin tiara e sut la tiara,  
e che mintga lieunga confessi:  
Jesus Cristus ei il Signur<sup>o</sup>  
per la gloria da Diu, il Bab.

<sup>o</sup> El grec ha ei num «kyrios», pia il Segner. Cheutras vegn fatg allusiun a siu esser divin.